



सत्यमेव जयते

75th REPUBLIC DAY LAWMNAA

Pu Lalhmunsanga Hnamte
Deputy Commissioner, Siaha District

&

Chief Guest, Republic Day 2024

THU SAWI

District Playground, Siaha Vaihpi
26th January, 2024

Thiante duh takte u,

Vawiin India Republic Day vawi 75-na, ni ropui takah hian he lai hmuna lo kal khawmte leh hmun hrang hranga awm Siaha District mipui zawng zawngte duhsakna chibai ka bûk a che u. Kum 1950 vawiin angah khan khawvela mipui sawrkar ram lian berte zinga chhiar tel turin Danpui kan nei a; he Danpui hian mi tinte chu zalenna, dikna leh intluk tlanna min pe a, nun nuam taka kan khawsak theihna tur te min ruahmansakin, thlamuang leh hahdam taka kan khawsak tlan dial dial theihna tur kawng te pawh min kawh hmuh bawka ni.

Kan hriat theuh angin Siaha District hi Mizorama District sawm leh pakhat zingah District upa berte zinga mi a ni a; sawrkar kut-ke inbun hmasakna hmun a nih angin hmasawanna hrang hrang pawhin min thleng hmasa a; hriatna leh thiamna kawngah pawh rual pawl tawktak kan ni a tih theih awme. Vantlang khawsak phung leh kan tuallai nunah pawh ngaih mawh tur thil thenkhat awm ve bawkmah se, hmangaihna leh induhsak tawanna kan neih thin te pawh kan la chhawm nung zel a, inthenawm khawvenna lamah pawh nun mawi leh duhawm takin kan nunah thu a la sawi reng a ni a tih theih bawka ni.

Siaha District mipuite hi kan vannei hle a, sapram atanga lo kal missionary-te thutchilh kan ni a,

kohhran nung tak min dinsak a; an thâwk tawp thlengin chung missionary-te chuan min awmpui a, an lei taksa chawlh hahdamna turah pawh he ram ngei hi an thlang a ni. Missionary hnuhnung ber Rev. Violet Louise Anne Mark chuan November 13, 2023 mai khan min chawlhlan a nih kha. Kan hriat rengnaah an sulhnute a châm reng tawh tawh dawn a ni.

Thian duh takte u, vawiin ni ropui takah hian kan District chhunga sawrkarin hmasawanna hna hrang hrang a thawhte a tlangpui chauh i han ngaithla teh ang u –

1. Sawrkar laipui hmalaknaa Laki leh Lope kaltlanga Tipa leh Lopu inkar kawngpui, 70 kms zeta thui laih hna pawh chak taka thawh mek a ni a, hemi kaihhnawiha ram lak leh zangnadawmna pek tul ang angte pawh Bawrsap Office chuan a ti zo vek tawh a, kawng laih hna pawh hi za zelah 45 chu zawh tawh a ni. Zyhno leh Chapi inkara kawngpui laih mek pawh 60% zawh tawh a ni a, a vaia zo tur hian rei a ngai tawh lo ang. Kaochao leh Tokalo inkar pawh 55% zawh tawh a ni a, National Highway 54 Kaochao – Tipa pawh tlem te chauh hmabak a ni tawh a ni. Zorinpui leh Lomasu inkara kawngpui laih tur pawh rei lo teah hna tan thuai beisei a ni bawk.

2. Siala District-a mi 3672 chuan chenna in nei lote tana sawrkar laipuiin a ruahman in sak tanpuina an dawng tawh a, sawrkarin mipuite tana hamthatna a ruahmante hi a dawngtu mipuite hian tangkai taka kan hman zel a pawimawh hle a ni.
3. Mipuite hriselna lam ngaihtuahtu, Health & Family Welfare Department hnuaiia thawkte pawhin theih tawp an chhuah reng a, kum 2023 April atanga November inkarah khan District Hospital leh PHC-ten damlo 21,508 lai a thlawnin an en a; school hrang hrangah naupang 23,355 zet chu an hriselna dinhmun en diksak an ni. Hriat nuam tak chu kan district-ah hian mamawhtute tana thisen pe thin kan awm nual hi a ni a. Nikum April thla atanga November inkarah khan mi mal leh pawl tlawmngaiten vawi 26 zet thisen pek runpui an buatsaih a, thisen unit 774 lai kan dawng a, unit 611 chu mamawhtute hnenah pek chhuah a ni.
4. Kum 2022 – 2023 chhunga Pradhan Mantri Krishi Sanchayee Yojna (PMKSY) hnuaiia kan pawisa dawn cheng nuai 137 leh sang hnih chu kut hna thawktute tan kawng hrang hrangah tangkai taka hman a ni a, Self Help Group 34-in hamthatna hi an tel bawka ni.

5. Animal Husbandry & Veterinary Department lam pawhin kan district chhunga ransa lo lutte an hriselna that tawh leh tawh loh uluk takin an vil zui reng a, Siahatla-ah en dik thinin, kum 2023 April atanga November thleng khan Bawng 188, Lawi 42, Sial 13 leh Kel 2 an en dik a. Mipuiin sa thianghlim chauh kan ei theih nan theih tawp an chhuah reng a ni.
6. Zirna lamah pawh hma kan sawn zel a, Tipa leh Chakhei-ah science zir theihna Higher Secondary School hawn thar a ni a; elementary school hrang hrangah hmeichhe tan inthiarna (toilet) 42 leh mipa inthiarna 36 sak a ni a; school 72-ah electric lak luh a ni bawh. Elementary School-a zirlai 18 leh Secondary School-a zirlai 38-te chu sum leh paia an harsatna chhawk zangkhai nan *stipend* pek an ni.
7. Jal Jeevan Mission hma lakna kal zelah chhungkaw 11628-in anmahni in lum atangin tui an herh haw thei tawh a, hei hi za zelah 99 a ni; chhungkaw dang, la thlen phak rih lohte pawh hi hun rei lo teh tuam chhuah beisei a ni. AMRUT 2.0 hnuaiah tui dah khawlna lian, litre nuai 5 dawng siam a ni leh dawn a, hei hi Zone – I kan tih mai, New Sialha area chawm tura tih a ni. Sialha khawpui hian tui thianghlim

hnianghnar takin kan hmu chho zel dawn a, kan khawpui hi a nuam zual zel dawn a ni.

8. Taxation Department, Siaha chuan GST & VAT aṭangin November 2023 thleng khan cheng nuai 56, sang kua, zaruk sawm hnih leh paruk an hmu tawh a; tunah hian GST registration nei mi 230 an awm mek a ni. Chhiah pek kawngah mipuite kan ṭhan harh deuh deuh a ṭul a, khua leh tui ṭha chuan chhiah pek a ngai pawimawh tur a ni.
9. Kum 2021-a bul ṭan Silk Samagra Project chu kalpui mek a ni a, he project hi cheng vbc 11 leh nuai 93 man niin; khaw 21-ah kalpui a ni a, mi 400 thlan chhuah an ni.
10. Mizoram Building & Other Construction Workers Welfare Board hnuaiah Siaha District aṭangin mi 1406 an inziak lut tawh a, he *board* hnuaia inziak lutte hian dam mawh hritlan thulhah ṭanpuina an dil thei a ni. Tun *financial year* kal mekah hian kan district chhunga mi, he *board* hnuaia member-te hnenah inenkawlna senso atan cheng 3,64,000/- leh inrālna atan cheng 6,25,000/- sawrkar chuan a pe chhuak tawh a ni.
11. Thu buai chin felna kawngah pawh District Court-in theih tawp a chhuah a; January 1,

2024 thleng khan case 372 ziah luh niin, chung zinga 268 chu chin fel tawh a ni. Lok Adalat lamah case 279 tih fel a ni bawk. Distict Court building thar pawh cheng vbc 18 senga sak zawh tawh a ni.

12. Excise & Narcotics Department pawh ruihhlo chi hrang hrang vai kawngah theih tawp an chhuah reng a, damdawi leh ruih theih thil dang, dan loa kawl leh tih ral tumte pawh an man reng a ni. Chawh rualin, thla tinin mi 35 man zel ang an ni. Hei hian chiang taka a lantir chu ruihhloa inhnamhnawih hi kan tam hle tih a ni a, hemi kawngah hian he ram mipuite hi kan than harh a tul tak zet a, chhungkua leh khawtlangah inzirtirna tha kan mamawh hle tawh a ni. Sawrkar tha ti chak tura kan inbuatsaih zel pawh a tul a, tlawmngai pawlte pawh hemi kawngah hian min thawhpui turin ka sawm a che u.
13. Police Department pawhin mipuite himna turin tha thlah hauh lovin an hna an thawk mawlh mawlh reng a. Kum 2023 chhung khan case 94 an ziak lut hman a, heng zinga case 78-ah charge sheet an theh lut a ni. Nikum chhunga case ziah luh atangin thiam loh chantir chu za zelah 43.1 a ni a, hmun dangte nena khaikhin

chuan *conviction rate* hi ṭha pangngai tak a ni. Police Department hian zirlai 1,115-te hnenah damdawi hman sual pawizia inzirtirna leh ti lo tura intiamna *campaign* te an buatsaih a, hei hian rah ṭha tak a chhuah ngei beisei a ni. Misual chhui kawnga police-te pui turin khaw hrang hrangah VDP din a ni a, tunah hian unit 10 din a ni tawh a, a tam thei ang ber din tum a ni. VDP-te hi police-te hna thawhna kawngah an ṭangkai em em a ni.

Ṭhian duh takte u, ram leh hnam tan kan theihna leh thiamna te hlan zel ila, mi dangte tan malsawmna nih ṭheuh i tum teh ang u. Kum 2024 hi in kum ṭhat kum lo ni sela, Siaha District tan pawh a duhawm zawngin kum chhinchhiah tlak tak lo ni ngei rawh se.

Jai Hind.... Ei Cha Ly Kaw